

Baselgia reformada perda vinavant commembers

Il cussegl grond evangelic vul meglierar la furmaziun dals reverendas

DA MARTIN CABALZAR

■ **A la seduta dal cussegl grond evangelic ch'ha gi lieu qesa mesemna a Cuira ha il parlament approvà rapport e quint annual e creà las premissas per meglierar la furmaziun dals reverendas.** Il cussegl grond evangelic ei l'autorità legislativa da la baselgia reformada dal Grischun e sancziunescha ils documents principals davart l'avegnir da la baselgia. Sco parlament da baselgia che consista da radund otg persunas è el in scharnier impurtant tranter baselgia e politica. Dals 90 commembers èn 60 delegadas e delegads da las raspadas or dals colloquis, plinavant fan radund 30 commembers dal cussegl grond da confessiun evangelica part da quest gremi. Las incumbensas dal cussegl evangelic èn l'elavuraziun da projects che vegnan sut-tamess a las votaziuns, il relasch da leshas ed ordinaziuns, la surveglianza da l'administraziun sco era l'approvaziun dal rapport, dal quen annual e dal budget sco era dal rapport d'uffizi dal cussegl da baselgia.

In pitschen gudogn

Il rendaint annual da la baselgia reformada dal Grischun serra tar entradas dad 11 470 053 francs ed expensas dad 11 465 662 francs cun in modest avanzament da 4391 francs. Il gudogn ei d'attribuir principalmain al gudogn recaltgà da las vaglias. Per quest motiv avertescha il parsura da la cumissiun da gestiun, deputà *Christian Hartmann*, ils responsabels dad esser spargnus. Las entradas da taglia èn stadas levamain pli pitschnas



Deputà Walter Grass ha demisiunà sco parsura dal cussegl grond evangelic. FOTO Y. BÜRKLJ

l'onn scadent. Damai ch'igl è vegnì investì l'onn passà pli pauc en renovaziuns ed engrondiments èn era las subvenziuns sa sminuidas. Il favureivel quint ha lubì da far reservas supplementaras en l'autezza dad 1,3 milliuns.

Delegadas e delegads han la finala approvà unanimamain tant il rendaint sco il preventiv per il proxim onn legislatoric.

Adattar la furmaziun da plevonessas e plevants als novs basegns

Il parlament ha approvà ina revisiun parziala dal concordat che regla la furmaziun da plevons e plevonessas reformads e dat la lubientscha per pudair ademplir il servetsch da la baselgia. Il parlament ha accentuà la necessitad d'ina buna scolaziun

e perfecziun cunzunt er en vista als pensiunaments che stattan avant porta ed en vista a las novas sfidas cun las qualas la baselgia reformada en il Grischun vegn a vegnir confrontada.

Plevonessa *Ursina Hardegger* è vegnida elegida sco actuara-substitura. Ils preschents èn plinavant vegnids orientads davart il nov plan d'instrucziun ecumen e davart il project da Tschuncaisma 2019–2021.

Ultima giada sut il presidi da Walter Grass

Per l'ultima giada è il cussegl grond evangelic vegnì presidià da deputà *Walter Grass* dad Urmein. El ha inoltrà sia demisiun sin la fin da questa perioda da legislatura. «I dovra tuts per respectar

pasch e giusta e per furmar la baselgia da l'avegnir», ha accentuà Grass en sia curta, ma sco adina pregnanta allocuziun.

Medemamain demisiunà han ils commembers da la cumissiun da gestiun, deputà *Christian Hartmann* (parsura) ed *Ernst Waldvogel* sco era deputada *Elisabeth Mani* ed il plevon *Jens Köhre* che fan part da la gestiun dal cussegl grond evangelic.

Baselgia evangelica perda commembers

(rtr) Dapli umans han bandunà la baselgia evangelica en congual cun l'onn precedent. Il problem resta acut. 645 umans han bandunà l'onn passà la baselgia reformada grischuna. Quai èn 6,8% dapli che l'onn precedent. Che la cifra dals commembers chala ha er consequenzas sin ils battaisems: Quels èn ids enavos per bunamain 11% (da 628 sin 559). Ed er las confirmaziuns èn vegnidas pli paucas (da 696 sin 621). Prendì tiers ha unic la cifra dals funerals (da 661 sin 696).

Entant quinta la baselgia reformada grischuna anc 66 533 commembers. Els èn organisads en 79 plaisv cun 96 spirituals.

Quai è stada l'ultima sessiun dal parlament dals reformads grischuns en questa legislatura. La proxima sessiun dal cussegl grond evangelic è ils 14 da november.